

KOMISHON PREPARATORIO DI REFERENDEM

Dia 25 di febrüari 2014 Konseho Insular a bai unánimamente di akuerdo ku e moshon pa instalá un "*Komishon Preparatorio*" pa kua kada frakshon por a apuntá un persona pa analisá i duna konseho na Konseho Insular pa ku e mihó forma pa organisá un referèndem teniendo kuenta ku tur aspektonan konserní e "*Komishon Preparatorio*" mester a reportá na Konseho Insular dentro di 4 siman despues di e fecha di e moshon.

Frakshonnan di **Partido Demokrat, Movementu Boneiru Liber (MBL)** i **Santana** a bai di akuerdo ku e petishon di frakshon di UPB pa duna e frakshon e espasio di un (1) siman pa por presentá nòmber di un persona komo miembro pa wòrdu inkorporá den e "*Komishon Preparatorio*".

Un (1) siman despues di e fecha di e moshon tabata dia 4 di Mart 2014. Debí ku frakshon di UPB no a presentá un nòmber pa wòrdu inkorporá den e "*Komishon Preparatorio*" denter di e siman ku nan a pidi, frakshonnan di **Partido Demokrat, MBL** i **Santana** a ekstendé e periodo di espera te ku dos (2) siman despues di e fecha di 25 di Febrüari 2014, e periodo aki a terminá dia 11 di Mart 2014.

Pa evitá mas stagnashon innesesario ku un "*Komishon Preparatorio*" lo por tin mester pa analisá i konsehá riba tur e pasonan nesessario pa por entamá e proseso pa yega na un referèndem responsabelmente i entrega nan konseho denter di un luna konforme e stipulashon manera redaktá den e moshon di dia 25 di Febrüari 2014, Frakshonnan di **Partido Demokrat, MBL** i **Santana** a disidí na nombra un "*Komishon Preparatorio*" ku lo bai konsistí di tres (3) miembro pa kumpli ku e moshon di Konseho Insular di dia 25 di Febrüari 2014.

Frakshon di **Partido Demokrat** ta proponé señor **Michael J. Pieters**

Frakshon di **MBL** ta proponé señor **mr. Eugene R. Abdul**

Frakshon **Santana** ta proponé señor **mr. Anthony T.C. Nicolaas**

Frakshonnan di **Partido Demokrat, MBL** i **Santana** ta disidí na duna e "*Komishon Preparatorio*" kuater (4) siman di tempu, entrante fecha di e desishon aki, pa analisá i duna konseho na Konseho Insular pa ku e mihó forma pa organisá un referèndem teniendo kuenta ku tur aspektonan konserní.

Kada miembro di e "*Komishon Preparatorio*" lo risibí un solo kompensashon di dos mil sinku shen US dòler (US\$. 2.500,-) pa e tarea mensioná den e desishon aki.

Konforme e moshon di 25 di Febrüari 2014 e ofisina di Griffier lo asistí e komishon. Tur eventual gastunan adishonal pa ku ehekushon di e tarea di e "*Komishon Preparatorio*" lo wòrdu kubri separadamente pa Entidat Públiko di Boneiru. E desishon aki lo wòrdu ratifiká den e próksimo reunion di Konseho Insular.

Boneiru, 14 di Mart 2014

Frakshon Partido Demokrat


Robert Ch. Beukenboom

Frakshon MBL


Benito R. Dirksz

Frakshon Santana


Rafael A. Santana